

# Cymdeithas Tai Canolbarth Cymru - Polisi

**Teitl:** **POLISI DYLEDION DRWG**

## Cyflwyniad

Mae dyledion drwg yn cynrychioli incwm na fedrir ei gasglu. Mae gan y Gymdeithas bolisiâu a gweithdrefnau cadarn ar gyfer casglu rhent, tâl gwasanaeth ac incwm arall. Fodd bynnag, mae'n anochel bod achosion lle na fedrir casglu'r incwm dyledus i'r Gymdeithas a bod felly'n rhaid ei ddileu.

Cynhelir asesiad o'r tebygrwydd y medrir casglu'r incwm pan fo'r broses gasglu dyledion yn mynd rhagddi. Gwneir darpariaeth felly yn erbyn yr incwm dyledus i adlewyrchu incwm na fydd efallai fodd ei gasglu.

Mae'r polisi felly'n amlinellu'r sail ar gyfer gwneud darpariaeth ar gyfer dyledion drwg a'r broses o ddileu dyledion drwg.

## Datganiad Polisi

- Drwy'r polisi hwn, mae'r Gymdeithas yn anelu i sicrhau mai dim ond rhent, tâl gwasanaeth ac incwm arall na fedrir ei gasglu sy'n cael ei ddileu.
- Bydd y Gymdeithas yn gwneud darpariaeth ddarvoudus ar gyfer dyledion drwg ar sail oedran y ddyled yn unol gyda'r tabl dilynol:

Dyled	% Darpariaeth
Rhent ac ôl-ddyledion tâl gwasanaeth	
0-8 wythnos	0
9-12 wythnos	25
13-17 wythnos	45
18-25 wythnos	55
26-51 wythnos	100
Dros 52 wythnos	100
Ôl-ddyledion cyn-denantiaid	100
Atgyweiriadau y codir tâl amdanynt	100
Dyledwyr amrywiol	Fel rhenti cyfredol uchod

- Dim ond pan aethpwyd drwy'r holl brosesau ôl-ddyledion a bod yr asiantaethau cyfeirio casglu dyledion yn cynghori'r Gymdeithas na fedrir casglu'r ddyled y caiff dyledion eu dileu.
- Bydd angen cymeradwyaeth y Cyfarwyddyd Gwasanaethau Corfforaethol cyn dileu dyledion.

5. Cyn dileu unrhyw ddyled, bydd y Gymdeithas yn:
  - (i) Sicrhau y gweithredwyd pob proses mynd ar ôl dyledion
  - (ii) Sicrhau y cydymffurfiwyd gyda'r holl ofynion cyfreithiol
  - (iii) Hyd eithaf ei gallu wedi cydymffurfio gyda'r saith maes amrywiaeth ar gyfer y rhai sy'n defnyddio ein gwasanaethau
  - (iv) Hyrwyddo ymwybyddiaeth o reolaeth ariannol dda drwy gyfeirio at asiantaethau eraill fel CAB (Cyngor Ar Bopeth).
  - (v) Lle bynnag sy'n bosibl, osgoi gwastraffu costau'n gysylltiedig gyda mynd ar ôl dyledion nad yw'n bosibl eu casglu.
6. Bydd y Gymdeithas yn gweithredu'r polisi yn unol gyda'r egwyddorion a gytunwyd o bryd i'w gilydd o fewn y Strategaeth Dyledion Drwg.

### **Meysydd Perfformiad Allweddol:**

- A. Bydd y Cyfarwyddydd Gwasanaethau Corfforaethol, mewn cysylltiad gyda'r Tîm Rheolaeth Weithredol, yn sefydlu gweithdrefnau a gofynion hyfforddiant priodol yn gysylltiedig â mynd ar ôl dyledion a phenderfynu pa ddyledion ddylai gael eu dileu.
- B. Bydd y Rheolydd Cyllid yn cyfrif y ddarpariaeth dyledion drwg ar sail fisol yn unol â'r polisi. Rhoddir adroddiad yn chwarterol i'r Tîm Rheoli Gweithredol ar lefel y dyledion drwg a chynhwysir hynny yn y system adrodd mesurau a gyflwynir i'r Bwrdd ar sail fisol.
- C. Bydd y Cyfarwyddydd Gwasanaethau Corfforaethol yn dileu dyledion yn unol gyda'r polisi ar sail fisol. Caiff gwerth dyledion a gaiff eu dileu ei gynnwys yn y system adrodd mesurau ar sail fisol.

<b>Nod Strategol:</b>	Sicrhau bod gan y Gymdeithas ddull gweithredu addas ar gyfer darpariaeth ar gyfer a dileu dyledion drwg.	
<b>Cyfeirnod:</b>		
<b>Dyddiad Cyhoeddi:</b>	Ionawr 2011	
<b>Dyddiad Adolygu:</b>	Ionawr 2014	
<b>Adrannau/Unedau yr Effeithir Arnynt:</b>	Cyllid a Thai	
<b>Cymeradwywyd gan:</b>	Bwrdd dyddiedig Ionawr 2011	
<b>Swyddog Arweiniol:</b>	Cyfarwyddydd Gwasanaethau Corfforaethol	
<b>Cydymffurfiaeth Statudol:</b>	Datganiad o'r Arfer a Argymhellir	
<b>Ffactorau Risg Strategol:</b>	Colli rhent, tâl gwasanaeth neu incwm arall yn effeithio ar hyfywedd y Gymdeithas	
<b>Asesiad Effaith ar Gydraddoldeb</b>	<i>Sut mae/fydd y polisi hwn yn sicrhau y caiff anghenion eu cyflawni'n deg yn neilltuol yng nghyswllt hil, rhyw, anabledd</i>	D/B

	<i>ac ati?</i>	
	<i>A deimlir y medrai'r polisi fod ag effaith niweidiol ar wahanol grwpiau. Os felly, beth yw'r cyfiawnhad am hyn ac a oes caniatâd cyfreithiol drosto?</i>	Ni ddisgwylir yr effeithir yn niweidiol ar unrhyw grwpiau neu unigolion
	<i>A ymgynghorwyd â grwpiau cynrychioladol yn yr ardal am eu barn ac os felly, beth oedd y canlyniad?</i>	Na
<b>Cyswllt Tenantiaid</b>	<i>Sut mae/sut fydd y polisi hwn yn sicrhau y caiff anghenion tenantiaid eu diwallu?</i>	Amcan y polisi yw sicrhau mai dim ond rhenti na fedrir eu casglu sy'n cael eu dileu.
	<i>Sut y teimlir y bydd y Polisi yn effeithio ar hawliau a goblygiadau tenantiaid?</i>	Ni ragwelir fod y polisi yma'n effeithio ar hawliau ac oblygiadau tenantiaid
	<i>A ymgynghorwyd â thenantiaid ac a roddwyd ystyriaeth i ganlyniadau'r ymgynghoriad hwnnw wrth ystyried cyflwyno'r Polisi yma?</i>	Ar hyn o bryd, ni ymgynghorwyd â thenantiaid ar y polisi yma

## **CYMDEITHAS TAI CANOLBARTH CYMRU**

### **STRATEGAETH DILEU DYLEDION DRWG**

Mae'r Gymdeithas yn ymrwymedig i gasglu'r holl rent, tâl gwasanaeth ac incwm arall sy'n ddyledus. Mae'r Polisi Casglu Rhent ac Ôl-ddyledion yn amlinellu'r dull o fynd ar ôl a chasglu'r incwm sy'n ddyledus i'r Gymdeithas. Caiff y polisiâu a gweithdrefnau hyn eu gweithredu'n egniol.

Fodd bynnag, cydnabyddir na fedrir casglu peth o'r arian sy'n ddyledus i'r Gymdeithas. Bydd amrywiaeth o resymau am hyn, ond mae hyn yn aml yn codi pan fo tenant yn gadael annedd lle cawsant eu bygwth gyda dadfeddiannu.

Gwneir asesiad o'r tebygrwydd y medrir casglu'r incwm pan ddilynir y broses casglu incwm. Gwneir darpariaeth felly yn erbyn yr incwm gorddyledus i adlewyrchu incwm na fydd efallai'n bosibl ei gasglu. Mae'r ddarpariaeth yma'n gysylltiedig gydag oedran y ddyled. Po hynaf y ddyled y lleiaf tebygol yw hi y medrir ei chasglu ac felly'r mwyaf yw'r cyfle y bydd yn 'troi'n ddrwg'. Mae'r tebygrwydd uwch hwn yn golygu y darperir canran fwy o'r ddyled fel darpar ddyled ddrwg po hynaf y daw'r ddyled; unwaith mae'r ddyled yn 26 wythnos oed mae'r ddarpariaeth yn 100%.

#### **Egwyddorion**

- Bydd y Gymdeithas yn gwneud darpariaeth ar gyfer dyled ddrwg pan fydd dyled dros wyth wythnos oed.
- Bydd y Gymdeithas yn gwneud darpariaeth 100% ar gyfer dyled ddrwg pan fo dyled dros 26 wythnos oed.
- Ni chaiff dyled ei dileu nes y dihysbyddwyd pob polisi a gweithdrefn yn ymwneud â mynd ar ôl dyledion.
- Bydd y Gymdeithas yn cynnal fframwaith casglu rhent ac ôl-ddyledion effeithiol a gynlluniwyd i uchafu casglu incwm.
- Bydd y Gymdeithas yn cyfeirio holl ddyledion cyn denantiaid i asiantaeth casglu dyledion.
- Rhaid cael cymeradwyaeth y Cyfarwyddydd Gwasanaethau Corfforaethol i ddileu dyledion.

Dyddiad Cymeradwyo: Ionawr 2011

Dyddiad Adolygu: Ionawr 2014